



ТОШКЕНТ ОҚШОМИ

2012 йил 2 НОЯБРЬ, ЖУМА

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 218 (12.279)

Баҳоси эркин нарҳда

Президентимиз Ислам Каримовнинг жорий йил сентябрь ойида ўтказилган «Ўзбекистонда ижтимоий-иқтисодий сиёсатни амалга оширишда кичик бизнес ва хусусий тадбиркорликнинг роли ва аҳамияти» мавзусидаги халқаро конференциянинг очилиш маросимидаги нутқида таъкидланганидек, сўнгги 6 йил давомида мамлакатимизда ялпи ички маҳсулот йилга 8,2 фоиздан кам бўлмаган суръатлар билан ўсиб бормоқда.

Ялпи ички маҳсулот 2000 йил билан солиштирилганда 2,9 баробар, sanoat маҳсулотлари ишлаб чиқариш 2,6 баробар ошди, иқтисодиётга жалб қилинган инвестициялар ҳажми 3,4 баробар, жумладан, тўғридан-тўғри хорижий инвестициялар миқдори 20 баробардан кўпроқ ўсди. Бу чет эл инвесторлари киритган сармоялар ўзини оқлаши ва Ўзбекистонда бизнесга оид қонун-қоидаларнинг ҳеч қачон бузилмаслигига бўлган ишонччи билдиради. Шу боис мамлакатимизга киритилаётган тўғридан-тўғри хорижий инвестицияларнинг оқими муттасил кўпайиб бормоқда.


Иқтисодиётимизда амалга оширилаётган изчил ислохотлар хорижий сармоядорлар билан ҳамкорликни янада кенгайтиришда муҳим омил бўлиб хизмат қилмоқда. Зотан, иқтисодий тараққиёт хорижий давлатлар билан ҳамкорлик, чет эл сармоясини кенг жалб этиш, юқори технологияларни ўзлаштиришга ҳам боғлиқ. Шу боис мамлакатимизда чет эллик шериклар билан ҳамкорликда ташкил этилган корхоналарнинг фаол иш юритиши, сифатли маҳсулот ишлаб чиқариши ва хизмат кўрсатиши учун барча имконият яратилган. Кенг қамровли хусусийлаштириш жараёни чет эллик сармоядорларнинг мамлакатимизга сармоя киритишга қизиқшини тобора оширмоқда. Пойтахтимизда озарбойжонлик ишбилармонлар билан ҳамкорликда ташкил этилган «Elektrofan» масъулияти чекланган жамияти бунинг ёрқин мисолидир.

Ўз фаолиятини 1994 йилда бошлаган «Elektrofan» масъулияти чекланган жамияти турли электротехник маҳсулотлар – электр таъминоти тармоғи компонентлари, электрон тўғрилагичлар ва бошқа ноу-хаулар, замонавий кучлини стабилизаторлари ишлаб чиқаришга ҳамда уларни таъмирлаш-созлаш борасида хизмат кўрсатишга ихтисослашган. Бундай маҳсулотлар

исталган маиший ва sanoat асбоб-ускуналарига электр энергиясини сифатли етказиб беришни таъминлайди. Электр стабилизаторларини ишлаб чиқаришда асосан мамлакатимизнинг соҳага оид бошқа корхоналарида тайёрланаётган

эмалли ва ўрама симлардан фойдаланилади. Ишлаб чиқарилаётган маҳсулотлар юқори сифати, халқаро талабларга жавоб бериши ва рақобатбардошлиги билан ажралиб туради. Улар барча зарур сертификатларга эга бўлиб, ISO 9001:2000 халқаро стандартларига мос. Маҳсулотларига талаб катта бўлганлиги туфайли корхонада ишлаб чиқариш ҳажми йилдан йилга ошиб бормоқда. «Elektrofan» да ўндан зиёд ишчи-ҳодим меҳнат қилади. Улар учун барча зарур меҳнат ва дам олиш шароити яратилган.

– Ўзбекистонда чет эллик ишбилармонларнинг фаол иш юритиши, сифатли маҳсулот ишлаб чиқариши ва хизмат кўрсатиши учун барча шароит ва имкониятлар мавжуд, – дейди «Elektrofan» масъулияти чекланган жамияти ди-



«ELEKTROFAN» МАҲСУЛОТЛАРИ ХАРИДОРГИР

ректори Алишон Багиров. – Қулай сармоявий муҳит, кўплаб солиқ ва боғжона имтиёзлари ишлаб чиқариш ҳажмини муттасил оширишда муҳим омил бўлмоқда. Бизнинг асосий мақсадимиз ана шу қулай имкониятлардан унумли фойдаланиб, халқаро талабларга тўла жавоб берадиган маҳсулотларимизнинг ишлаб чиқариш ҳажмини ва экспортини янада оширишдан иборат. Айни вақтда BKS ва UKS кучлиништи стабилизаторлар, фазаларни назорат қилиш аппаратлари, электродвигателни химоя қилиш мосламалари, электрон газ горелкалари каби маҳсулотларни ҳам кенг ишлаб чиқаришни йўлга қўйдик.

Ҳа, қулай сармоявий муҳит ва ижтимоий-сиёсий барқарорлик мустаҳкам экан, чет эллик ишбилармонлар билан биргаликда амалга оширилаётган лойиҳалар мамлакатимиз иқтисодий тараққиётига хизмат қилаверади.

Нодира МАНЗУРОВА, ЎЗА мухбири

Яқинда Япония пойтахтида бўлиб ўтган Ўзбекистон сайёҳлик салоҳиятининг тақдимида Кунчиқар мамлакатнинг етакчи сайёҳлик компаниялари, ижтимоий-сиёсий, ишбилармон, маданий-гуманитар доиралари ва оммавий ахборот воситаларининг вакиллари иштирок этдилар.

ТОКИОДА ЎЗБЕКИСТОН САЙЁҲЛИК САЛОҲИЯТИНИНГ ТАҚДИМОТИ

Тақдимот чоғида Ўзбекистоннинг бой сайёҳлик салоҳияти, ушбу соҳа тараққиётидаги устувор йўналишлар, ўзбек халқининг ўзига хос ва бой маънавий-маданий мероси, юртимиз заминидagi бетакрор тарихий мейморий обидалар, ўлкамизнинг жўғрофий, табиий ва иклимий шарт-шароитлари тўғрисидаги маълумотлар тадбир иштирокчиларининг эътиборига ҳавола қилинди. Хусусий фирмалар фаолиятини кўллаб-қувватлаш ва сайёҳлик индустрияси инфратузилмасини такомиллаштириш орқали мамлакатимизда сайёҳлик жабҳасини ривожлантириш юзасидан амалга оширилаётган чора-тадбирлар тақдимот қатнашчилари томонидан юқори баҳоланди.

Тадбир сўнггида Япония жамоатчилигининг вакиллари «Жаҳон» ахборот агентлиги мухбири билан бўлиб ўтган суҳбат чоғида Ўзбекистоннинг сайёҳлик соҳасида эришган муваффақиятлари тўғрисидаги ўз фикр-мулоҳазаларини ўртоқлашдилар.

Жумладан, Япония Сайёҳлик агентликлари уюшмасининг ижрочи директори Хироши Савабе таъкидлаганидек, Ўзбекистон сайёҳлик жабҳасининг кўплаб вакиллари иштирокида ўтган мазкур тақдимот маросими Япония компаниялари ва жамоатчилиги учун мамлакатимиз билан яқиндан ва ҳар томонлама танишиш имкониятини яратди. «Ўзбекистон эга бўлган бой сайёҳлик салоҳиятидан хабар топган ҳар бир кишининг қалбида ўлкангизни ўз кўзи билан кўриш истаги туғилади», деди у.

Х.Савабе Буюк Ипак йўлида сайёҳлик инфратузилмасини ривожлантиришга қаратилган халқаро ҳамкорликни мустаҳкамлаш борасида Ўзбекистон томонидан олиб борилаётган сиёсат ҳамда Ўзбекистон заминининг бой маданий ва маънавий меросини кенг тарғиб қилиш, кўхна мейморий обидаларни сақлаш юзасидан амалга оширилаётган ишларни юксак баҳолади.

(Давоми 2-бетда)

Тошкент шаҳар ҳокимлигида

ТАРАҚҚИЁТ – БОШ МАҚСАДИМИЗ

Тошкент шаҳар ҳокимлигида халқ депутатлари Тошкент шаҳар Кенгаши депутатлари, шаҳар ҳуқуқни химоя қилиш органлари раҳбарлари, бош бошқарма бошлиқлари, банк раҳбарлари, туман ҳоким ва ўринбосарлари, тегишли жамоат ташкилотлари раҳбарлари иштирокида пойтахтимизни ижтимоий-иқтисодий ривожлантириш якунларини муҳокама қилишга бағишланган фаоллар йиғилиши бўлиб ўтди.

Ўзбекистон Республикаси Вазирлар Маҳкамасидаги 2011 йилнинг асосий якунлари ва 2012 йилда Ўзбекистонни ижтимоий-иқтисодий ривожлантиришнинг устувор йўналишларига бағишланган йиғилишда Президентимиз Ислам Каримовнинг «2012 йил Ватанимиз тараққиётини янги босқичга кўтарадиган йил бўлади» номида маърузасида йилнинг энг муҳим устувор вазифалари белгилаб берилган эди.

Шаҳар фаоллар йиғилишини Тошкент шаҳар ҳокими Раҳмонбек Усмонов олиб борди. Фаоллар йиғилишида ана шундай устувор вазифалар асосида 2012 йилнинг тўққиз ойи давомида Тошкент шаҳрини ривожлантиришнинг белгиланган макроиқтисодий кўрсаткичларини таъминлаш, энг аввало, таркибий қайта ўзгартиришларни чуқурлаштириш ва иқтисодиётни диверсификациялаш, ишлаб чиқаришларни модернизациялаш, техник ва тех-

нологик жиҳатдан янгилаш бўйича инвестиция жараёнларини тубдан кенгайтириш, шунингдек, транспорт ва муҳандислик-коммуникация инфратузилмасини жадал ривожлантириш, аҳоли бандлигини, ҳаёт ва турмуш даражасини ошириш ҳисобига ўстириш бўйича ишларнинг натижалари ҳар томонлама кўриб чиқилди ва чуқур таҳлил қилинди.

Жорий йилнинг 9 ойида ялпи ички маҳсулотнинг ўсиши 10 фоизни ташкил этди. Sanoat маҳсулотларини ишлаб чиқариш ҳажми ўтган йилнинг шу даврига нисбатан 5,3 фоизга, истеъмол товарларини ишлаб чиқариш 7 фоизга, асосий капитал инвестициялар ҳажми 8,2 фоизга, пудрат қурилиши ишлари 4,6 фоизга, чакана савдо айланмаси 9 фоизга, хизматлар ҳажми 3,8 фоизга, экспорт ҳажми эса 5,5 фоизга ошганлиги қайд этилди.

(Давоми 2-бетда)

йилнинг 1-30 ноябрь «Диабет ойлиги» деб эълон қилинганлиги муносабати билан ушбу соҳада олиб борилаётган амалий ишлар ва истиқболдаги вазифалар муҳокама этилди.

✓ **БУГУН** Маънавият тарғибот маркази Яққасарой туман бўлими томонидан «Ўзтемирйўлиўловчи» ОАЖда «Маънавиятга таҳдид – ўзлимиз ва келажагимизга таҳдид» мавзусида давра суҳбати ташкил этилди.

ҚИСҚА САТРАПДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **КЕЧА** Олмазор туман хотин-қизлар кўмитасининг V ҳисобот-сайлов конференцияси бўлиб ўтди.

✓ **КЕЧА** Ўзбекистон Миллий матбуот марказида Республика Соғлиқни сақлаш вазирлиги томонидан матбуот анжумани ўтказилди. Унда мамлакатимизда жорий



МАМЛАКАТИМИЗДА

• Ўзбекистон Миллий матбуот марказида Ўзбекистон давлат жаҳон тиллари университети томонидан ахборот глобаллашуви даврида маънавиятнинг аҳамиятига бағишланган матбуот анжумани ўтказилди. Унда ахборот-коммуникация соҳаси мутахассислари, олий таълим муассасалари профессор-ўқитувчилари, талабалар ва журналистлар иштирок этди.

• Қарши санъат коллежи ва Мулатўйчи Тошмуҳаммедов номидаги вилоят мусиқали драма театрида «Янги авлод – 2012» болалар ижодиёти фестивалининг Қашқадарё вилояти босқичи бўлиб ўтди. «Ўзбекистон маданияти ва санъати форуми» жамғармаси, «Камолот» ёшлар ижтимоий ҳаракати ҳамда Халқ таълими вазирлиги ҳамкорлигида ўтказилаётган «Янги авлод – 2012» болалар ижодиёти фестивалининг вилоят босқичида туман ва шаҳарлардан сараланган 6 ёшдан 14 ёшгача бўлган 400 нафарга яқин иқтидорли ўғил-қизлар иштирок этди.

• Урганч туманидаги Чотқўпир қишлоғида жойлашган «Хоразм озиқ-овқат моллари» масъулияти чекланган жамиятида инновацион технологиялар асосида гуруч увоғини қайта ишлаб, ундан гуруч тайёрлаш ўзлаштирилди. Бу жараёнда маҳсулот витаминлар билан янада бойитилади. Эътиборлиси, ушбу линияда бир пайтнинг ўзида макарон ҳам ишлаб чиқариш мумкин. 120 минг АҚШ долларилек маблағ эвазига амалга оширилган мазкур лойиҳа туфайли йилига 1000 тоннагача гуруч увоғини қайта ишлаш имконияти юзага келди. Тез орада бу ерда кадокланган гуруч бўтқаси ҳам тайёрлаш йўлга қўйилади.

ЖАҲОНДА

• 2012 йилнинг охирига бориб, дунё бўйлаб мазкур йилда амалга оширилган хорижий саёҳатлар сони миллиардга етади. Бундай ҳолат жаҳон сайёҳлик тарихида биринчи марта кузатишмоқда. Бу ҳақда Жаҳон сайёҳлик ташкилоти маълум қилди. Халқаро қараганда, 2011 йилда мазкур кўрсаткич 990 миллион кишига етган.

• Испанияда ишсизлар сони тобора ортиб бормоқда. Европадаги энг ривожланган мамлакатлардан бири бўлган мазкур давлатда жорий йилнинг учинчи чорағида ишсизлик даражаси рекорд кўрсаткич – 25 фоизни ташкил этди. «Reuters» ахборот агентлигининг маълум қилишича, Испанияда бу каби нохуш ҳолат 1970 йилдан буюн кузатилмаган.

• Дунёда ишлатилаётган смартфонлар сони бир миллиарддан ошди. RATA-TASS мухбирининг хабар беришича, 2015 йилга бориб ушбу кўрсаткич икки миллиарддан ошиши мумкин. Жорий йилда смартфонлар савдоси ўтган йилга нисбатан қирқ етти фоиз кўпайган.

• Бельгия пойтахти Брюсселда гуллардан улкан гилам тўқилди. Маҳаллий оммавий ахборот воситаларининг тарқатган маълумотларига қараганда, Гран-Пляс майдонига тўшалган ушбу ранг-баранг ва бетакрор гиламнинг эни 24, узунлиги эса 77 метрни ташкил этган. Гиламни тўқиш учун турфа гуллардан фойдаланилган. Ушбу ажойиб ва ноёб гиламни кўриш учун дунёнинг кўплаб мамлакатларидан сайёҳлар келиши кўпаймоқда.

